

\*2<sup>r</sup>

Dem Durchleuchtigen Hochgebornen Fürften vnd  
Herrn/ Herrn Wilhelmen/ Princen zu Vranien/ Grauen zu  
Naffawe/ Catzenelenbogen/ Vianden vnd Dietz/ 7c. Herrn zu Breda/  
Dieft/ Arley/ Warnefton/ Rumpft/ vnd Grymbergen/ Vice-  
graffen zu Byfantz vnd Antorff/ 7c. meinem  
gnedigen Herren.

DVrchleuchtiger/ Hochgeborner Fürft/ Gne-  
diger Herr/ Der Hochlößlich Keyfer Juftinian/  
gibt in feiner Vorrede difer vier Rechts anfangs  
vnd vnderweifungs Bücher/ vnder andern zuuer-  
ftehen/ vñ zeigt an/ daß er die felbige der Jugent/ fo das Recht  
anfänglich lernen/ vnd darnach in der Regierung brauchen fol/  
zu gütem/ gantz einfältiger fchlechter weife/ hab ftellen vnd be-  
fchreiben laffen/ der meynung/ vñ herrlicher vertröftung/ wañ  
fie dariñ wol vnderwiefen/ vnnd geübt feien/ daß fie als dann  
volgendts inn feinem vnd gantzem Römifchen Reich an enden  
vnd orten/ da jrer von nöten/ zu der Regierung gezogen vnnd  
gebraucht werden follten. Dañ es zwar ein geringer nutz were/  
Wann mañ der Rechtsbücher fchon vil hette/ fchribe/ lese/ vnd  
lernet/ wann fie zu dem/ darumb fie gefchriben/ gelernet vnd ge-  
lefen/ fortan nit auch gebraucht werden soltē/ nemlich zu befür-  
derung/ pflanzung/ vnd erhaltung des Rechtens vnd der Ge-  
rechtigkeyt/ darauß dann volget vnnd erwächßt rüwe/ frid  
vnd eynigkeyt/ wie folches fürnemlich mit difem feinen Recht-  
fpruch gemeynet wirt/ Parum eft Ius in Ciuitate effe, nifi sint quid-  
miniftrent. Nun ifts aber offenbar/ daß niemand das Recht vnd  
Gerechtigkeyt zugebrauchen/ zubefürderen/ zupflantzen/ zuer-  
halten/ vnd zuhandthaben/ fo hoch gebürt/ als der Oberkeyt/  
Keyfer/ Kōnigen/ Fürften vnd Herrn/ fo Land vñ Leut zu Re-  
giern/ Ampt zubestellen/ vnd die Gericht zuuerwalten haben.  
Denen allen ift fonderlich vnd fürnemlich das Recht vnnd die  
Gerechtigkeyt von Gott beuolhen/ vertrauet/ vñ in die hand  
gegeben/ daß fie es wiffen/ verftehen vnd brauchen follten/ Vnd  
wie alle Menfchen auff Erden/ ein jeder etwan zu einem befon-  
dern Handtwerck oder Kunft von der Jugent auff erzogen  
vnd gehalten wirt/ damit er fein lebenslang vmbgehet vnd zu-  
fchaffen hat/ fich des befleißet vnd helt/ Also fol der Fürften  
vnd Herrn/ fo Land vnnd Leut zu Regiern gaben/ fürnembft  
werck fein/ das Recht vnd Gerechtigkeyt vben/ fchützen vnnd

handhaben/ die Ampt vnnd Gericht dermaßen befetzen (die  
weil sie nit alles felbs außrichtē können) daß meniglich Recht

\* ij

\*2<sup>v</sup>

## Vorrede.

widerfaren möge/ vnnd sich wiemandts vurechtens oder ver-  
 gewaltigung zubeklagen habe/ Dife Fürftlichen Ampt vnnd  
 werck zu dienft vnd güttem/ hat der löblich Keyfer Juftinian  
 Die vier Büchlin Juftitutorum auß groffer wolmeynung vnd  
 fonderlicher vorbetrachtung der jugent vñ Regierung zu nutz  
 durch feinen fürnembften gelertesten Rath Tribunianum ftel-  
 len/ vnd in das gantz Römifch Reich Publiciern vnd außgehen  
 laffen/ den anfang vñ grund der Fürftlichen Kunft/ des Rech-  
 tens vnd Gerechtigkeyt/ als von der Wiegen her darauß zu-  
 fchöpfen vnd zulernen/ Darumb zwar niemandt die felben für  
 geringe anfehen/ oder verachten/ Sondern vil mehr vmb jrer  
 fonderlichen gaben/ vñ nutztes willē/ fie billich hoch vnd werdt  
 halten fol/ Danm vil güter Rechts lere vnnd Regel darinn be-  
 griffen vnnd angezeyget feind/ Als/ daß die Enckeln den An-  
 herrn in die Stämme/ vnd nit in die Häupter Erben/ vnd der-  
 gleichen vil andere mehr/ hie zulang zuerholen. Die weil dann  
 Der Keyfer Juftinian an ftatt einer fonderlichen verehrung vñ  
 treflichen Kleynots/ dife feine vier Büchlin/ das Fürftliche  
 Ampt/ werck vnd kunft des Rechtens vnnd der Gerechtigkeyt  
 darauß zulernen vnd faffen/ der Jugent anfenglich fürgelegt  
 vnd gefchenckt hat/ Deßgleichen nachuolgendts der Keyfer  
 Lotharius Saxo/ ein befonderer liebhaber vnnd befürderer  
 des Rechtens/ diefelben Büchlin Inftitutionum/ fo etliche jar  
 durch die vorgehendē Krieg vngeacht verlegen waren/ zu fei-  
 ner zeit auch wider herfür bracht/ vnnd der jugent fürgelegt  
 hat/ als zuerhaltung Rechtens vñ der Gerechtigkeyt dienlich/  
 nützlich/ vnd notwendig/ Wer wolt dann fo grob vnd vnuer-  
 ftendig fein/ vñ fagen/ daß dife Büchlin/ ob fie wol klein vñ ge-  
 ringe anzufehen/ als der jugent vñ Regierung vnd dienlich/ zu-  
 uerachten oder zuuerwerffen feien? Ja es fol jederman billich/  
 vnd fonderlich die jungen Fürften vnnd Herrn/ fo zu der Regie-  
 rung geborn vnd verordnet/ dem hochlöblichen Keyfer Jufti-  
 nian für folich edel gefchenck vñ Kleynot groffen danck fagen/  
 vnd feiner vermanung folgen/ daß fie in ftudierung vñ faffung  
 Difer Rechts Vnderweifung/ vnd Fürften kunft/ fich alfo flei-  
 fig vnd willig erzeygen vnnd anfchicken/ daß fie dar durch von  
 jugent auff zu der Regierung/ als jrem von Gott befolhenem  
 Ampt vnd werck tiglich vñ gefchickt werden/ das Recht vnd  
 Gerechtigkeyt pf[...]ntzen/ befördern/ vnd erhalten helffen/ wie  
 fie vor Gott fchuldig feind/ vnd jhnen zum höchften auffgelegt

vnd beuolhen ift/ wõllen fie anders der bedrawten ftraffe ent-  
fliehen/ vnd des Segens theylhafftig werden/ welche Gott  
bei

\*3<sup>r</sup>

## Vorrede.

beide den Fürften vnd Herrn durch den mund des weifen Königs Salomomis verkündigen vñ anzeygen låßt/ Nemlich/ da er spricht: Ein Fürft/ welcher feinen Vnderthanen das Recht auffrichtig vnd warhafftig mitteylet/ vnnd widerfaren låßt/ des ftüle vnd fitz fol feft beftehen/vñ als je mehr zunemen/ Aber hinwiderumb den Fürften/ welcher vnrecht thût/ betrug/ vnd gewalt übet/ wert der Herr von feinem Regiment verftoffen/ Vnd kompt also ein Reich vom einem volcke zu dem andern/ 7c. Darumb hat zwar der Keyfer Juftinian nicht allein als ein mächtiger weltlicher weifer Fürft/ fondern auch als ein Gots fürchtiger Chriftlicher Keyfer/ dife Anleytung vnd Vnderweifung des Rechtens der jugent zúbereyten laffen/ auff daß fie zu folcher Fürftlichen Tugent/ Ampt/ Kunft/ vñ Werck erzogen/ vnd in Verwaltung Rechtens vnd der Gerechtigkeit/ in difem eufferlichen gemeynen leben/ die Gotfeligkeit gefördert/ fride vnd rúwe/ vnd eynigkeit erhalten werden möcht/ Vmb welches willen ich dann auch dife arbeyt fürgenommmen/ folche vier Büchlin Inftitutionum zuuerteutfchen/ vnnd mit kurtzen gründtlichen Summarien der Titel vnnd Paragraphen außzulegen/ wil folches mit der zeit/ wo ich lebe/ verbefseren/ Jetzundt aber dife meine arbeyt/ Ewer F. Gnaden/ als einem Jungen angehenden regierenden Fürften zu Ehren/ in fonderheytt Dedicirt vnd zúgeftellet haben/ mit vndertheniger bitt/ Ewer F. Gnade wolt folchs Büchlin in Gnaden annehmen/ vnnd etwan zu gelegener müffiger zeit lefen/ wer den Ewer F. G. darinn fürmemlich dreierley befinden/ Erflich/ was bei den alten Keyfern im Römifchen Reich recht/ vnd im brauch gewesen. Zum andern/ was darnach geändert/ abgefchaffet vnd verbefsert worden ift. Zum drittem/ was nun hinfür Recht feins/ gebraucht/ erkandt/ vnd gehalten werden fol/ Wo folcher dreier puncten hierinn fleiffig acht genommen/ ift die gantz materi difer vier Büchlin defto leichter zuuerftehen vnd zubegreifen. Thû Ewer F. Gnaden mich hiemit in vnderthenigkeit beuelhen. Datum Dillenburg am erften tage Septembris/ Anno/ 7c. Ll.

Ewer F. Gnaden  
Vndertheniger

Iuſtinus Gobler von Sanct  
Gewere/ der Rechten Do-  
ctor/ 7c.

\* iij